



Grindavík

## Meðal efnis

### Höfnin

### Menningar- hátíð 2000

### Ferðamál

### Heimsóknir erlendra höfðingja

### Íþróttamál

# Járngerður

Fréttabréf Grindavíkurbæjar

1.tbl. 1.árg. apríl 2000



### Vallahverfi - lóðaúthlutanir í apríl -

Úthlutanir á lóðum í nýju hverfi norðan Kúadals í Grindavík, hefjast í apríl. Hverfið er annar áfangi svokallaðs Vallahverfis, lóðir verða tilbúnar til bygginga í júlí næstkomandi. Alls er um 52 lóðir að ræða fyrir einbýlis-, rað- og parhús.

Nánari upplýsingar um úthlutanir er hægt að nálgast á bæjarskrifstofum.



## Ritstjóraspjall

Jángerður, fréttabréf Grindavíkurbæjar er nýlunda sem miðar að því að koma upplýsingum á aðgengilegan hátt til bæjarbúa og annarra áhugamanna um málefni Grindavíkur. Gott upplýsingaflæði er ein forsenda þess að skapa gott og friðsælt samfélag. Grindavík er þrískipt í hverfi frá fornu fari, í Staðahverfi vestast, þá Járngerðarstaðahverfi og austast Þórkötlustadahverfi. Nafn þessa fréttabrefs er dregið af miðnafninu, en stærstur kjarni byggðar í Grindavík stendur í Járngerðarstaðahverfi.

Stefnt er að því að Járngerður komi út ársfjórðungslega og flytji helstu fréttir úr bæjarlífini.

Að nýrri heimasíðu Grindavíkur [www.grindavik.is](http://www.grindavik.is) er hægt er að nálgast ógrynni upplýsinga um Grindavík og þá þjónustu sem hér er að finna, auk þess sem fólk getur skipst á skoðunum og komið skilaboðum á framfæri.

**Róbert Ragnarsson,**  
*Ferðamála- og markaðsfulltrúi*

## Menningarmál

Grindavíkurbær, Hitaveita Suðurnesja og Bláa Lónið hf. bjóða til afar sérstæðrar og fjölbreyttar menningardagskrá í sumarþyrjun, frá 4. júní, til 17. júní.

Náttúruauðæfi Reykjaness eru voldugt afl sem setur svip á atvinnu- og menningarlíf fjölsóttasta ferðamannastaðar landsins. Dagskráin hefst á sjómannadaginn við og í Grindavíkurhöfn þar sem heimamenn flytja Hafgúur eftir Atla Heimi Sveinsson, gjörning fyrir togara, mótorþáta, þokulúðra, eimpípur, olíutunnur og slipphljóðfæri.

Meðal annarra viðburða er sýning á útlistaverkum ungmenna, tónminjasýning til heiðurs staðarskáldinu Sigvalda Kaldalóns, Spuni, röð raf-og jazztónleika í Illahrauni umhverfis Bláa Lónið, og síðast en ekki síst fjöllistaverkið Námur í Eldborg, með þáttöku þrjátíu og sex alþjóðlegra listamanna sem frá 1987 hafa smíðað verk er stikla á tólf oldum Íslandssögunnar og glímunni við óblíða náttúru landsins. Verkefnið er í umsjón Dr. Guðmundar Emilssonar, menningafulltrúa Grindavíkur.

## Erlendir gestir

Margir erlendir höfðingjar heiðruðu Grindvíkinga með nærveru sinni á síðasta ári. Forseti Lettlands, hr. Guntis Ulmanis kom hingað í apríl ásamt friðu förunefti. Í ágúst kom sendiherra kínverska Alþýðulýðveldisins, hr. Wang Ronghua. Í október kom síðan viðskiptasendinefnd frá Shanghai heraði í Kína undir forseti hr. Huang Ju. Á þessu ári er enn von á erlendum gestum. Fulltrúar vinabæja Grindavíkur eru væntanlegir á Menningaráðsþóðina í júní.



„Grindavík ... góður bær“



## Glæsilegur áfangi

Ný innsigling til Grindavíkurhafnar gerbreyttir allri aðkomu til hafnarnanna. Skipin sigla eftir beinni rennu til hafnar. Öll fiskiskip komast inn og mun auðveldara er að taka höfnina í slæmu veðri. Skipstjórar fagna mjög þessum áfanga og telja hér um hreina byltingu að ræða. Verkið var unnið á árinu 1999 og var innsiglingin tekin í notkun í september á því ári. Innri hluti rennunna er 400 m langur og 35 m breiður, dýpi er 7.0 metrar við stórstraumsfjöru. Ytrihlutinn, þar sem hreyfing er meiri, er 500 m að lengd, 70 m að breidd og dýpi 9,5 m við stórstraumsfjöru. Verkið kostaði 417 milljónir króna. Á árinu 2001 munu aðstæður enn batna en þá verða byggðir brimvarnargarðar sitt hvoru megin við innsiglinguna kostnaður við þá er áætluð um 220 milljónir króna.

Sumarið 1999 var aðstaða innan hafnar bætt verulega. Kerið og þverbryggjan við Svíragarðinn voru fjarlægð, einnig var dýpkað við bryggjuna þannig að nú geta stór loðnuskip og flutningaskip athafnað sig þar. Keyptar voru nýjar flotbryggjur í smábáthöfnina sem skapa meiri kyrrð í smábátalæginu, fjölgja viðlegurplássum um 15–20, auk viðlegu fyrir björgunarbátinn og hafnsögubátinn. Einnig var dýpkað við endann á Eyjabakkanum og við austasta hluta Miðgarðs. Pessar framkvæmdir kostuðu samtals 45 milljón króna.

Við endurskoðun hafnaáætlunar fyrir árin 2001–2004 mun verða lögð áhersla á endurnýjun stálþils og dýpkun við Miðgarð og síðan endurbýggingu Svíragarðs.



„Grindavík ... góður bær“



## Árangursstjórnun - 19 milljónir árlega til íþróttamála -

**G**rindavíkurbær og Ungmennafélag Grindavíkur hafa undirritað samkomulag um árangursstjórnun í íþróttastarfi barna og unglings í Grindavík. Samningurinn kveður á um að UMFG skuli móta stefnu í framkvæmd barna- og unglingsstarfs á vegum félagsins.

Stefnumótunarvinnan hefur það að markmiði að fylgja íþróttaiðkendum, leggja áherslu á aukna menntun leiðbeinenda, þáttöku foreldra í starfi félagsins, eflingu félagslegs þroska barnanna og forvarnir í ávana- og fíkniefnamálum. Til stuðnings starfinu leggur Grindavíkurbær til endurgjaldslaus afnot af íþrótttamanvirkjum í eigu bæjarins auk fjárfamlaga, sem í heild eru metin á 19 milljónir króna árlega.

Með bættum árangri í stjórnun barna- og unglingsstarfsins og betri nýtingu fjármuna, vonast bæjaryfirvöld í Grindavík, sem og stjórnir deilda innan UMFG til að ná enn betri árangri í íþróttastarfi.

## Grindavíkurvefurinn

**N**ý heimasiða Grindavíkurbærar er gott upplýsingasafn um sveitarfélagið. Þar er meðal annars hægt að nálgast nýjustu fréttir, lesa fundargerðir nefnda og ráða og koma skoðunum sínum á framfæri. Ferðaþjónusta, menningarmál, hafnarmál og tengingar við öll fyrirtæki í bænum er meðal þess sem vefurinn býður upp á.

Nýji vefurinn er unnin af Páli Erlingssyni kennara við Grunnskóla Grindavíkur, en Róbært Ragnarsson er ritstjóri vefsins.

## Ferðamál

**A** síðasta ári fylgði ferðamönnum mikið í Grindavík. Nýr baðstaður við Bláa Lónið dró að sér um 250.000 gesti og nýting á Hótelinu við Bláa Lónið var með besta móti. Mikið var um hópferðir um Grindavíkursvæðið, Veitingahúsið Jenny og Sjómannastofan Vör nutu mjög góðs af skipulögðum hópferðum um einstaka náttúru Grindavíkur. Ferðamönnum á eigin vegum fylgði einnig mjög mikið og þá sérstaklega innlendum ferðamönnum. Greinilegt er að nýr baðstaður við Bláa Lónið gerir það að verkum að ferðamenn sækja meira inn í Grindavíkurbæ en áður.

Næsta sumar eigum við von á að sjá enn meiri fylgjun gesta um bæinn okkar. Ferðamálafulltrúi hefur hafisð undirbúning að gönguleið meðfram sjávarsíðunni, auk þess sem vinnuhópur er tekinn til starfa um útvistarsvæði við Þorbjarnarfell.

Upplýsingamiðstöð Ferðamála verður flutt í Bláa Lónið næsta sumar og á ferðamálafulltrúi von á að það skili sér í enn fleiri ferðamönnum inn til Grindavíkur.